

Pātimokkha Roman Pāḷi

Pātimokkha Roman Pāḷi

Dvemātikāpāḷi

◆ *Bhikkhupātimokkhapāḷi*

◆ **Nidānuddeso**

◆ Suṇātu me bhante saṅgho? Ajjuposatho pannaraso, yadi saṅghassa pattakallaṃ, saṅgho uposathaṃ kareyya, pātimokkhaṃ uddiseyya.

◆ Kim saṅghassa pubbakiccaṃ? Pārisuddhiṃ āyasmanto ārocetha, pātimokkhaṃ uddisissāmi, taṃ sabbeva santā sādhukaṃ suṇoma manasi karoma. Yassa siyā āpatti, so āvikareyya, asantiyā āpattiyā tuṇhī bhavitabbaṃ, tuṇhībhāvena kho panāyasmante “parisuddhā”ti vedissāmi. Yathā kho pana paccekapuṭṭhassa veyyākaraṇaṃ hoti, evamevaṃ evarūpāya parisāya yāvatatiyaṃ anusāvitāṃ hoti. Yo pana bhikkhu yāvatatiyaṃ anusāviyamāne saramāno santiṃ āpattiṃ nāvikareyya, sampajānamusāvādassa hoti. Sampajānamusāvādo kho panāyasmanto antarāyiko dhammo vutto bhagavatā, tasmā saramānena bhikkhunā āpanna visuddhāpekkhena santi āpatti āvikātabbā, āvikatā hissa phāsu hoti.

◆ Uddiṭṭhaṃ kho āyasmanto nidānaṃ. Tatthāyasmante pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha

Pātimokkha Roman Pāḷi

parisuddhā, parisuddhetthāyasmanto, tasmā tuṅhī,
evametaṃ dhārayāmīti.

◆ Nidānaṃ niṭṭhitaṃ.

◆ **Pārājikuddeso**

◆ Tatrime cattāro pārājikā dhammā uddesaṃ āgacchanti.

◆ Methunadhamma sikkhāpadaṃ

◆ 1. Yo pana bhikkhu bhikkhūnaṃ sikkhāsājīvasamāpanno
sikkhaṃ appaccakkhāya dubbalyaṃ anāvikatvā methunaṃ
dhammaṃ paṭiseveyya, antamaso tiracchānagatāyapi,
pārājiko hoti asaṃvāso.

◆ Adinnādānasikkhāpadaṃ

◆ 2. Yo pana bhikkhu gāmā vā araññā vā adinnaṃ
theyyasaṅkhātāṃ ādiyeyya, yathārūpe adinnādāne rājāno
coraṃ gahetvā haneyyūṃ vā bandheyūṃ vā pabbājeyyūṃ
vā corosi bālosi mūḷhosi thenosīti, tathārūpaṃ bhikkhu
adinnaṃ ādiyamāno ayampi pārājiko hoti asaṃvāso.

◆ Manussavigghasikkhāpadaṃ

◆ 3. Yo pana bhikkhu sañcicca manussavigghaṃ jīvitā
voropeyya, satthahārakaṃ vāssa pariyeseyya,
maraṇavaṇṇaṃ vā saṃvaṇṇeyya, maraṇāya vā
samādapeyya “ambho purisa kiṃ tuyhiminā pāpakena
dujjīvitena, mataṃ te jīvitā seyyo’ti, iti cittamaṇo

Pātimokkha Roman Pāḷi

cittasaṅkappo anekapariyāyena maraṇavaṇṇaṃ vā
saṃvaṇṇeyya, maraṇāya vā samādapeyya, ayampi pārājiko
hoti asaṃvāso.

◆ Uttarimanussadhammasikkhāpadaṃ

◆ 4. Yo pana bhikkhu anabhijānaṃ
uttarimanussadhammaṃ attupanāyikaṃ
alamariyañānadassanaṃ samudācareyya “iti jānāmi, iti
passāmi”ti, tato aparena samayena samanuggāhīyamāno vā
asamanuggāhīyamāno vā āpanno visuddhāpekkho evaṃ
vadeyya “ajānamevaṃ āvuso avacaṃ jānāmi, apassaṃ
passāmi, tucchaṃ musā vilapin’ti, aññatra adhimānā,
ayampi pārājiko hoti asaṃvāso.

◆ Uddiṭṭhā kho āyasmanto cattāro pārājikā dhammā.
Yesaṃ bhikkhu aññataraṃ vā aññataraṃ vā āpajjitvā na
labhati bhikkhūhi saddhiṃ saṃvāsaṃ yathā pure, tathā
pacchā, pārājiko hoti asaṃvāso. Tatthāyasmante pucchāmi,
kaccittha parisuddhā, dutiyampi pucchāmi, kaccittha
parisuddhā, tatiyampi pucchāmi, kaccittha parisuddhā,
parisuddhetthāyasmanto, tasmā tuṅhī, evametaṃ
dhārayāmīti.

◆ Pārājikaṃ niṭṭhitaṃ.

◆ Saṅghādisesuddeso

◆ Ime kho panāyasmanto terasa saṅghādisesā

Pātimokkha Roman Pāḷi

- ◆ Dhammā uddesaṃ āgacchanti.
- ◆ Sukkavissaṭṭhisikkhāpadaṃ
- ◆ 1. Sañcetanikā sukkavissaṭṭhi aññatra supinantā saṅghādiseso.
- ◆ Kāyasaṃsaggasikkhāpadaṃ
- ◆ 2. Yo pana bhikkhu otiṇṇo vipariṇatena cittena mātugāmena saddhiṃ kāyasaṃsaggaṃ samāpajjeyya hatthagāhaṃ vā veṇiggāhaṃ vā aññatarassa vā aññatarassa vā aṅgassa parāmasanaṃ, saṅghādiseso.
- ◆ Duṭṭhullavācāsikkhāpadaṃ
- ◆ 3. Yo pana bhikkhu otiṇṇo vipariṇatena cittena mātugāmaṃ duṭṭhullāhi vācāhi obhāseyya yathā taṃ yuvā yuvatīṃ methunupasaṃhitāhi, saṅghādiseso.
- ◆ Attakāmapāricariyasikkhāpadaṃ
- ◆ 4. Yo pana bhikkhu otiṇṇo vipariṇatena cittena mātugāmassa santike attakāmapāricariyāya vaṇṇaṃ bhāseyya “etadaggaṃ bhagini pāricariyānaṃ yā mādisaṃ sīlavantaṃ kalyāṇadhammaṃ brahmacāriṃ etena dhammena paricareyyā’ti methunupasaṃhitena, saṅghādiseso.
- ◆ Sañcarittasikkhāpadaṃ

Pātimokkha Roman Pāḷi

◆ 5. Yo pana bhikkhu sañcarittam samāpajjeyya itthiyā vā purisamatim purisassa vā itthimatim, jāyattane vā jāratane vā, antamaso tañkhaṇikāyapi, saṅghādiseso.

◆ Kuṭṭikārasikkhāpadaṃ

◆ 6. Saññācīkāya pana bhikkhunā kuṭim kārayamānena assāmikam attuddesam pamāṇikā kāretabbā, tatridam pamāṇam, dīghaso dvādasa vidatthiyo sugatavidatthiyā, tiriyaṃ sattantarā, bhikkhū abhinetabbā vatthudesanāya, tehi bhikkhūhi vatthu desetabbaṃ anārambhaṃ sapaṛikkamaṇam. Sārambhe ce bhikkhu vatthusmiṃ aparikkamaṇe saññācīkāya kuṭim kāreyya, bhikkhū vā anabhineyya vatthudesanāya, pamāṇam vā atikkāmeyya, saṅghādiseso.

◆ Vihārakārasikkhāpadaṃ

◆ 7. Mahallakam pana bhikkhunā vihāram kārayamānena sassāmikam attuddesam bhikkhū abhinetabbā vatthudesanāya, tehi bhikkhūhi vatthu desetabbaṃ anārambhaṃ sapaṛikkamaṇam. Sārambhe ce bhikkhu vatthusmiṃ aparikkamaṇe mahallakam vihāram kāreyya, bhikkhū vā anabhineyya vatthudesanāya, saṅghādiseso.

◆ Duṭṭhadosasikkhāpadaṃ

◆ 8. Yo pana bhikkhu bhikkhum duṭṭho doso appatīto amūlakena pārājikena dhammena anuddhamseyya

Pātimokkha Roman Pāḷi

“appeva nāma naṃ imahā brahmacariyā cāveyyan’ti, tato aparena samayena samanuggāhīyamāno vā asamanuggāhīyamāno vā amūlakañceva taṃ adhikaraṇaṃ hoti, bhikkhu ca dosaṃ patiṭṭhāti, saṅghādiseso.

◆ Aññabhāgiyasikkhāpadaṃ

◆ 9. Yo pana bhikkhu bhikkhuṃ duṭṭho doso appatīto aññabhāgiyassa adhikaraṇassa kiñcidesaṃ lesamattaṃ upādāya pārājikena dhammena anuddhaṃseyya “appeva nāma naṃ imahā brahmacariyā cāveyyan’ti, tato aparena samayena samanuggāhīyamāno vā asamanuggāhīyamāno vā aññabhāgiyañceva taṃ adhikaraṇaṃ hoti kocideso lesamatto upādinno, bhikkhu ca dosaṃ patiṭṭhāti, saṅghādiseso.

◆ Saṅghabhedasikkhāpadaṃ

◆ 10. Yo pana bhikkhu samaggassa saṅghassa bhedāya parakkameyya, bhedanaṃvattanikaṃ vā adhikaraṇaṃ samādāya paggayha tiṭṭheyya, so bhikkhu bhikkhūhi evamassa vacanīyo “māyasmā samaggassa saṅghassa bhedāya parakkami, bhedanaṃvattanikaṃ vā adhikaraṇaṃ samādāya paggayha aṭṭhāsi, sametāyasmā saṅghena, samaggo hi saṅgho sammodamāno avivadamaṇo ekuddeso phāsu viharatī’ti, evaṅca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvattatīyaṃ samanubhāsitaṃ tassa

Pātimokkha Roman Pāḷi

paṭinissaggāya, yāvatatiyañce samanubhāsiyamāno taṃ paṭinissajjeyya, iccetaṃ kusalaṃ, no ce paṭinissajjeyya, saṅghādiseso.

◆ Bhedānuvattakasikkhāpadaṃ

◆ 11. Tasseva kho pana bhikkhussa bhikkhū honti anuvattakā vaggavādakā eko vā dve vā tayo vā, te evaṃ vadeyyuṃ “māyasmanto etaṃ bhikkhuṃ kiñci avacuttha, dhammavādī ceso bhikkhu, vinayavādī ceso bhikkhu, amhākañceso bhikkhu chandañca ruciñca ādāya voharati, jānāti, no bhāsati, amhākampetaṃ khamatī’ti, te bhikkhū bhikkhūhi evamassu vacanīyā “māyasmanto evaṃ avacuttha, na ceso bhikkhu dhammavādī, na ceso bhikkhu vinayavādī, māyasmantānampi saṅghabhedo ruccittha, sametāyasmantānaṃ saṅghena, samaggo hi saṅgho sammodamāno avivadamaṃno ekuddeso phāsu viharatī’ti, evañca te bhikkhū bhikkhūhi vuccamānā tatheva paggaṇheyyuṃ, te bhikkhū bhikkhūhi yāvatatiyaṃ samanubhāsitabbā tassa paṭinissaggāya, yāvatatiyañce samanubhāsiyamānā taṃ paṭinissajjeyyuṃ, iccetaṃ kusalaṃ, no ce paṭinissajjeyyuṃ, saṅghādiseso.

◆ Dubbacasikkhāpadaṃ

◆ 12. Bhikkhu paneva dubbacajātiko hoti uddesapariyāpannesu sikkhāpadesu bhikkhūhi sahadhammikaṃ vuccamāno attānaṃ avacanīyaṃ karoti

Pātimokkha Roman Pāḷi

“mā maṃ āyasmanto kiñci avacuttha kalyāṇaṃ vā
pāpakaṃ vā, ahampāyasmante na kiñci vakkhāmi
kalyāṇaṃ vā pāpakaṃ vā, vīramathāyasmanto mama
vacanāyā’ti, so bhikkhu bhikkhūhi evamassa vacanīyo
“māyasmā attānaṃ avacanīyaṃ akāsi,
vacanīyamevāyasmā attānaṃ karotu, āyasmāpi bhikkhū
vadatu sahadhammena, bhikkhūpi āyasmantaṃ vakkhanti
sahadhammena, evaṃ saṃvaddhā hi tassa bhagavato
parisā yadidaṃ aññaṃaññavacanena
aññaṃaññavuṭṭhāpanenā’ti, evañca so bhikkhu bhikkhūhi
vuccamāno tatheva paggaṇheyya, so bhikkhu bhikkhūhi
yāvataṭṭhiyaṃ samanubhāsitaṃ tassa paṭinissaggāya,
yāvataṭṭhiyaṃ samanubhāsīyamāno taṃ paṭinissajjeyya,
icceṭaṃ kusalaṃ, no ce paṭinissajjeyya, saṅghādiseso.

◆ Kuladūsakasikkhāpadaṃ

◆ 13. Bhikkhu paneva aññataraṃ gāmaṃ vā nigamaṃ vā
upanissāya viharati kuladūsako pāpasamācāro, tassa kho
pāpakā samācārā dissanti ceva suyyanti ca, kulāni ca tena
duṭṭhāni dissanti ceva suyyanti ca, so bhikkhu bhikkhūhi
evamassa vacanīyo “āyasmā kho kuladūsako
pāpasamācāro, āyasmato kho pāpakā samācārā dissanti
ceva suyyanti ca, kulāni cāyasmatā duṭṭhāni dissanti ceva
suyyanti ca, pakkamatāyasmā imamahā āvāsā, alaṃ te idha
vāsenā’ti, evañca so bhikkhu bhikkhūhi vuccamāno te
bhikkhū evaṃ vadeyya “chandagāmino ca bhikkhū,

Pātimokkha Roman Pāḷi

dosagāmino ca bhikkhū, mohagāmino ca bhikkhū,
bhayagāmino ca bhikkhū tādisikāya āpattiyā ekaccaṃ
pabbājenti, ekaccaṃ na pabbājenti'ti, so bhikkhu
bhikkhūhi evamassa vacanīyo “māyasmā evaṃ avaca, na
ca bhikkhū chandagāmino, na ca bhikkhū dosagāmino, na
ca bhikkhū mohagāmino, na ca bhikkhū bhayagāmino,
āyasmā kho kuladūsako pāpasamācāro, āyasmato kho
pāpakā samācārā dissanti ceva suyyanti ca, kulāni
cāyasmatā duṭṭhāni dissanti ceva suyyanti ca,
pakkamatāyasmā imamhā āvāsā, alaṃ te idha vāsenā'ti,
evaṃso so bhikkhu bhikkhūhi vuccamāno tatheva
paggaṇheyya, so bhikkhu bhikkhūhi yāvatatiyaṃ
samanubhāsitabbo tassa paṭinissaggāya, yāvatatiyaṃ
samanubhāsiyamāno taṃ paṭinissajjeyya, iccetaṃ kusalaṃ,
no ce paṭinissajjeyya, saṅghādiseso.

◆ Uddiṭṭhā kho āyasmanto terasa saṅghādisesā dhammā
nava paṭhamāpattikā, cattāro yāvatatiyakā. Yesaṃ bhikkhu
aññataraṃ vā aññataraṃ vā āpajjitvā yāvatūhaṃ jānaṃ
paṭicchādeti, tāvatūhaṃ tena bhikkhunā akāmā
parivatthabbaṃ. Parivutthaparivāsena bhikkhunā uttari
chārattaṃ bhikkhumānattāya paṭipajjitabbaṃ,
ciṅṅamānatto bhikkhu yattha siyā vīsatiṅgaṇo
bhikkhusaṅgho, tattha so bhikkhu abbhetaṃ. Ekenapi ce
ūno vīsatiṅgaṇo bhikkhusaṅgho taṃ bhikkhuṃ abheyya,
so ca bhikkhu anabbhito, te ca bhikkhū gārayhā, ayaṃ

Pātimokkha Roman Pāḷi

tattha sāmīci. Tatthāyasmante pucchāmi, kaccittha
parisuddhā, dutiyampi pucchāmi, kaccittha parisuddhā,
tatiyampi pucchāmi, kaccittha parisuddhā,
parisuddhetthāyasmanto, tasmā tuṅhī, evametaṃ
dhārayāmīti.

◆ Saṅghādiseso niṭṭhito.

◆ **Aniyatuddeso**

◆ Ime kho paṇāyasmanto dve aniyatā dhammā

◆ Uddesaṃ āgacchanti.

◆ Paṭhamāniyatasikkhāpadaṃ

◆ 1. Yo pana bhikkhu mātugāmena saddhiṃ eko ekāya
raho paṭicchane āsane alaṃkammaniye nisajjaṃ
kappeyya, tamenāṃ saddheyyavacasā upāsikā disvā
tiṇṇaṃ dhammānaṃ aññatarena vadeyya pārājikena vā
saṅghādisesena vā pācittiyena vā, nisajjaṃ bhikkhu
paṭijānamāno tiṇṇaṃ dhammānaṃ aññatarena kāretabbo
pārājikena vā saṅghādisesena vā pācittiyena vā, yena vā sā
saddheyyavacasā upāsikā vadeyya, tena so bhikkhu
kāretabbo, ayaṃ dhammo aniyato.

◆ Dutiyāniyatasikkhāpadaṃ

◆ 2. Na heva kho pana paṭicchannaṃ āsanaṃ hoti
nālaṃkammaniyaṃ, alaṅca kho hoti mātugāmaṃ

Pātimokkha Roman Pāḷi

duṭṭhullāhi vācāhi obhāsituṃ, yo pana bhikkhu tathārūpe āsane mātugāmena saddhiṃ eko ekāya raho nisajjāṃ kappeyya, tamenāṃ saddheyyavacasā upāsikā disvā dvinnāṃ dhammānaṃ aññatarena vadeyya saṅghādisesena vā pācittiyena vā, nisajjāṃ bhikkhu paṭijānamāno dvinnāṃ dhammānaṃ aññatarena kāretabbo saṅghādisesena vā pācittiyena vā, yena vā sā saddheyyavacasā upāsikā vadeyya, tena so bhikkhu kāretabbo, ayampi dhammo aniyato.

◆ Uddiṭṭhā kho āyasmanto dve aniyatā dhammā.
Tatthāyasmante pucchāmi, kaccittha parisuddhā, dutyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evametaṃ dhārayāmīti.

◆ Aniyato niṭṭhito.

◆ Nissaggiyapācittiyā

◆ Ime kho panāyasmanto tiṃsa nissaggiyā pācittiyā

◆ Dhammā uddesaṃ āgacchanti.

◆ Kathinasikkhāpadaṃ

◆ 1. Niṭṭhitacīvarasmim bhikkhunā ubbhatasmim kathine dasāhaparamaṃ atirekacīvaraṃ dhāretabbaṃ, taṃ atikkāmayato nissaggiyaṃ pācittiyaṃ.

Pātimokkha Roman Pāḷi

◆ Udositasikkhāpadaṃ

◆ 2. Niṭṭhitacīvarasmim bhikkhunā ubbhatasmim kathine ekarattampi ce bhikkhu ticīvarena vippavaseyya, aññatra bhikkhusammutiyā nissaggiyaṃ pācittiyaṃ.

◆ Akālacīvarasikkhāpadaṃ

◆ 3. Niṭṭhitacīvarasmim bhikkhunā ubbhatasmim kathine bhikkhuno paneva akālacīvaraṃ uppajjeyya, ākaṅkhamānena bhikkhunā paṭiggahettabbaṃ, paṭiggahetvā khippameva kāretabbaṃ, no cassa pāripūri, māsaparamaṃ tena bhikkhunā taṃ cīvaraṃ nikkhipitabbaṃ ūnassa pāripūriyā satiyā paccāsāya. Tato ce uttari nikkhipiyeyya satiyāpi paccāsāya, nissaggiyaṃ pācittiyaṃ.

◆ Purāṇacīvarasikkhāpadaṃ

◆ 4. Yo pana bhikkhu aññātikāya bhikkhuniyā purāṇacīvaraṃ dhovāpeyya vā rajāpeyya vā ākoṭāpeyya vā, nissaggiyaṃ pācittiyaṃ.

◆ Cīvarapaṭiggahaṇasikkhāpadaṃ

◆ 5. Yo pana bhikkhu aññātikāya bhikkhuniyā hatthato cīvaraṃ paṭiggaṇheyya aññatra pārivattakā, nissaggiyaṃ pācittiyaṃ.

◆ Aññātakaviññattisikkhāpadaṃ

Pātimokkha Roman Pāḷi

◆ 6. Yo pana bhikkhu aññātakam gahapatim vā gahapatānīm vā cīvaram viññāpeyya aññatra samayā, nissaggiyam pācittiyam. Tatthāyam samayo, acchinnacīvaro vā hoti bhikkhu, naṭṭhacīvaro vā, ayam tattha samayo.

◆ Tatuttarisikkhāpadam

◆ 7. Tañce aññātako gahapati vā gahapatānī vā bahūhi cīvarehi abhihaṭṭhum pavāreyya, santaruttaraparamam tena bhikkhunā tato cīvaram sādītabbam. Tato ce uttari sādiyeyya, nissaggiyam pācittiyam.

◆ Paṭhamaupakkhaṭasikkhāpadam

◆ 8. Bhikkhum paneva uddissa aññātakassa gahapatissa vā gahapatāniyā vā cīvaracetāpannam upakkhaṭam hoti “iminā cīvaracetāpannaena cīvaram cetāpetvā itthannāmam bhikkhum cīvarena acchādessāmī’ti, tatra ce so bhikkhu pubbe appavārito upasaṅkamtivā cīvare vikappam āpajjeyya “sādhu vata mam āyasmā iminā cīvaracetāpannaena evarūpam vā evarūpam vā cīvaram cetāpetvā acchādehī’ti kalyāṇakamyatam upādāya, nissaggiyam pācittiyam.

◆ Dutiyaupakkhaṭasikkhāpadam

◆ 9. Bhikkhum paneva uddissa ubhinnaṃ aññātakānaṃ gahapatīnaṃ vā gahapatānīnaṃ vā

Pātimokkha Roman Pāḷi

paccekacīvaracetāpannāni upakkhaṭāni honti “imehi
mayam paccekacīvaracetāpannehi paccekacīvarāni
cetāpetvā itthannāmaṃ bhikkhuṃ cīvarehi
acchādessāmā’ti, tatra ce so bhikkhu pubbe appavārito
upasaṅkamtivā cīvare vikappaṃ āpajjeyya “sādhu vata
maṃ āyasmanto imehi paccekacīvaracetāpannehi
evarūpaṃ vā evarūpaṃ vā cīvaraṃ cetāpetvā acchādeṭṭha
ubhova santā ekenā’ti kalyāṇakamyataṃ upādāya,
nissaggiyaṃ pācittiyaṃ.

◆ Rājasikkhāpadaṃ

◆ 10. Bhikkhuṃ paneva uddissa rājā vā rājabhoggo vā
brāhmaṇo vā gahapatiko vā dūtena cīvaracetāpannaṃ
pahiṇeyya “iminā cīvaracetāpannena cīvaraṃ cetāpetvā
itthannāmaṃ bhikkhuṃ cīvarena acchādehī’ti. So ce dūto
taṃ bhikkhuṃ upasaṅkamtivā evaṃ vadeyya “idaṃ kho,
bhante, āyasmantaṃ uddissa cīvaracetāpannaṃ ābhataṃ,
paṭiggaṇhātu āyasmā cīvaracetāpannaṃ’ti. Tena bhikkhunā
so dūto evamassa vacanīyo “na kho mayam, āvuso,
cīvaracetāpannaṃ paṭiggaṇhāma, cīvaraṅca kho mayam
paṭiggaṇhāma kālena kappiyaṃ’ti. So ce dūto taṃ
bhikkhuṃ evaṃ vadeyya “atthi panāyasmato koci
veyyāvaccakaro’ti. Cīvaratthikena, bhikkhave, bhikkhunā
veyyāvaccakaro niddisitabbo ārāmiko vā upāsako vā “eso
kho, āvuso, bhikkhūnaṃ veyyāvaccakaro’ti. So ce dūto
taṃ veyyāvaccakaraṃ saññāpetvā taṃ bhikkhuṃ

Pātimokkha Roman Pāḷi

upasaṅkamtivā evaṃ vadeyya “yaṃ kho, bhante, āyasmā
veyyāvaccakaraṃ niddisi, saññatto so mayā,
upasaṅkamatāyasmā kālena, cīvarena taṃ acchādessatī’ti.
Cīvaratthikena, bhikkhave, bhikkhunā veyyāvaccakaro
upasaṅkamtivā dvattikkhattuṃ codetabbo sāretabbo “attho
me, āvuso, cīvarenā’ti, dvattikkhattuṃ codayamāno
sārayamāno taṃ cīvaraṃ abhinipphādeyya, iccetaṃ
kusalaṃ, no ce abhinipphādeyya, catukkhattuṃ
pañcakkhattuṃ chakkhattuparamaṃ tuṇhībhūtena uddissa
ṭhātabbāṃ, catukkhattuṃ pañcakkhattuṃ
chakkhattuparamaṃ tuṇhībhūto uddissa tiṭṭhamāno taṃ
cīvaraṃ abhinipphādeyya, iccetaṃ kusalaṃ, tato ce uttari
vāyamamāno taṃ cīvaraṃ abhinipphādeyya, nissaggiyaṃ
pācittiyaṃ. No ce abhinipphādeyya, yatassa
cīvaracetāpannaṃ ābhaṭaṃ, tattha sāmaṃ vā gantabbāṃ,
dūto vā pāhetabbo “yaṃ kho tumhe āyasmanto bhikkhuṃ
uddissa cīvaracetāpannaṃ paḥiṇittha, na taṃ tassa
bhikkhuno kiñci atthaṃ anubhoti, yuñjantāyasmanto
sakaṃ, mā vo sakaṃ vinassā’ti, ayaṃ tattha sāmīci.

◆ Kathinavaggo paṭhamo.

◆ Kosiyasikkhāpadaṃ

◆ 11. Yo pana bhikkhu kosiyamissakaṃ santhataṃ
kāraṇeyya, nissaggiyaṃ pācittiyaṃ.

◆ Suddhakālakasikkhāpadaṃ

Pātimokkha Roman Pāḷi

◆ 12. Yo pana bhikkhu suddhakālakānaṃ eḷakalomānaṃ santhataṃ kārāpeyya, nissaggiyaṃ pācittiyaṃ.

◆ Dvebhāgasikkhāpadaṃ

◆ 13. Navāṃ pana bhikkhunā santhataṃ kārayamānena dve bhāgā suddhakālakānaṃ eḷakalomānaṃ ādātabbā, tatiyaṃ odātānaṃ, catutthaṃ gocariyānaṃ. Anādā ce bhikkhu dve bhāge suddhakālakānaṃ eḷakalomānaṃ, tatiyaṃ odātānaṃ, catutthaṃ gocariyānaṃ, navāṃ santhataṃ kārāpeyya, nissaggiyaṃ pācittiyaṃ.

◆ Chabbassasikkhāpadaṃ

◆ 14. Navāṃ pana bhikkhunā santhataṃ kārāpetvā chabbassāni dhāretabbaṃ, orena ce channaṃ vassānaṃ taṃ santhataṃ vissajjetvā vā avissajjetvā vā aññaṃ navāṃ santhataṃ kārāpeyya aññatra bhikkhusammutiyā, nissaggiyaṃ pācittiyaṃ.

◆ Nisīdanasanthasikkhāpadaṃ

◆ 15. Nisīdanasanthataṃ pana bhikkhunā kārayamānena purāṇasanthatassa sāmantā sugatavidatthi ādātabbā dubbaṇṇakaraṇāya. Anādā ce bhikkhu purāṇasantha tassa sāmantā sugatavidatthiṃ, navāṃ nisīdanasanthataṃ kārāpeyya, nissaggiyaṃ pācittiyaṃ.

◆ Eḷakalomasikkhāpadaṃ

Pātimokkha Roman Pāḷi

◆ 16. Bhikkhuno paneva addhānamaggappaṭipannassa eḷakalomāni uppajjeyyūṃ, ākaṅkhamānena bhikkhunā paṭiggahetabbāni, paṭiggahetvā tiyojanaparamaṃ sahatthā haritabbāni asante hārake. Tato ce uttari hareyya, asantepi hārake, nissaggiyaṃ pācittiyaṃ.

◆ Eḷakalomadhovāpanasikkhāpadaṃ

◆ 17. Yo pana bhikkhu aññātikāya bhikkhuniyā eḷakalomāni dhovāpeyya vā rajāpeyya vā vijaṭṭapeyya vā, nissaggiyaṃ pācittiyaṃ.

◆ Rūpiyasikkhāpadaṃ

◆ 18. Yo pana bhikkhu jātarūparaḷataṃ uggaṇṇheyya vā uggaṇṇhāpeyya vā upanikkhittaṃ vā sādiyeyya, nissaggiyaṃ pācittiyaṃ.

◆ Rūpiyasamvohārasikkhāpadaṃ

◆ 19. Yo pana bhikkhu nānappakāraḷakaṃ rūpiyasamvohāraṃ samāpajjeyya, nissaggiyaṃ pācittiyaṃ.

◆ Kayavikkayasikkhāpadaṃ

◆ 20. Yo pana bhikkhu nānappakāraḷakaṃ kayavikkayaṃ samāpajjeyya, nissaggiyaṃ pācittiyaṃ.

◆ Kosiyavaggo dutiyo.

◆ Pattasikkhāpadaṃ

Pātimokkha Roman Pāḷi

- ◆ 21. Dasāhaparamaṃ atirekapatto dhāretabbo, taṃ atikkāmayato nissaggiyaṃ pācittiyaṃ.
- ◆ Ūnapañcabandhanasikkhāpadaṃ
- ◆ 22. Yo pana bhikkhu ūnapañcabandhanena pattena aññaṃ navaṃ pattaṃ cetāpeyya, nissaggiyaṃ pācittiyaṃ. Tena bhikkhunā so patto bhikkhuparisāya nissajjitabbo, yo ca tassā bhikkhuparisāya pattapariyanto, so tassa bhikkhuno padātabbo “ayaṃ te bhikkhu patto yāva bhedanāya dhāretabbo’ti, ayaṃ tattha sāmīci.
- ◆ Bhesajjasikkhāpadaṃ
- ◆ 23. Yāni kho pana tāni gilānānaṃ bhikkhūnaṃ paṭisāyaniyāni bhesajjāni, seyyathidaṃ – sappi navanītaṃ telaṃ madhu phāṇitaṃ, tāni paṭiggahetvā sattāhaparamaṃ sannidhikāraṃ paribhuñjitabbāni, taṃ atikkāmayato nissaggiyaṃ pācittiyaṃ.
- ◆ Vassikasāṭikasikkhāpadaṃ
- ◆ 24. “Māso seso gimhānan’ti bhikkhunā vassikasāṭikacīvaraṃ pariyesitabbaṃ, “addhamāso seso gimhānan’ti katvā nivāsetabbaṃ. Orena ce “māso seso gimhānan’ti vassikasāṭikacīvaraṃ pariyeseyya, orena “ddhamāso seso gimhānan’ti katvā nivāseyya, nissaggiyaṃ pācittiyaṃ.

Pātimokkha Roman Pāḷi

◆ Cīvarācchindanasikkhāpadam

◆ 25. Yo pana bhikkhu bhikkhussa sāmam cīvaram datvā kupito anattamano acchindeyya vā acchindāpeyya vā, nissaggiyam pācittiyam.

◆ Suttaviññattisikkhāpadam

◆ 26. Yo pana bhikkhu sāmam suttam viññāpetvā tantavāyehi cīvaram vāyāpeyya, nissaggiyam pācittiyam.

◆ Mahāpesakārasikkhāpadam

◆ 27. Bhikkhum paneva uddissa aññātako gahapati vā gahapatānī vā tantavāyehi cīvaram vāyāpeyya, tatra ce so bhikkhu pubbe appavārīto tantavāye upasaṅkamitvā cīvare vikappam āpajjeyya “idaṃ kho, āvuso, cīvaram maṃ uddissa viyyati, āyatañca karoṭha, vitthatañca, appitañca, suvītañca, supavāyitañca, suvilekhitañca, suvitacchitañca karoṭha, appeva nāma mayampi āyasmantānam kiñcimattam anupadajjeyyāma’ti. Evañca so bhikkhu vatvā kiñcimattam anupadajjeyya antamaso piṇḍapātātamattampi, nissaggiyam pācittiyam.

◆ Accekacīvarasikkhāpadam

◆ 28. Dasāhānāgataṃ kattikatemāsikapuṇṇamaṃ bhikkhuno paneva accekacīvaram uppajjeyya, accekam maññamānena bhikkhunā paṭiggahetabbaṃ, paṭiggahetvā

Pātimokkha Roman Pāḷi

yāva cīvarakālasamayaṃ nikkhipitabbaṃ. Tato ce uttari nikkhipeyya, nissaggiyaṃ pācittiyaṃ.

◆ Sāsaṅkasikkhāpadaṃ

◆ 29. Upavassaṃ kho pana kattikapuṇṇamaṃ yāni kho pana tāni ārañṇakāni senāsanāni sāsaṅkasammatāni sappatibhayāni, tathārūpesu bhikkhu senāsanesu viharanto ākaṅkhamāno tiṇṇaṃ cīvarānaṃ aññataraṃ cīvaraṃ antaraghare nikkhipeyya, siyā ca tassa bhikkhuno kocideva paccayo tena cīvarena vippavāsāya, chārattaparamaṃ tena bhikkhunā tena cīvarena vippavasitabbaṃ. Tato ce uttari vippavaseyya aññatra bhikkhusammutiyā, nissaggiyaṃ pācittiyaṃ.

◆ Pariṇatasikkhāpadaṃ

◆ 30. Yo pana bhikkhu jānaṃ saṅghikaṃ lābhaṃ pariṇataṃ attano pariṇāmeyya, nissaggiyaṃ pācittiyaṃ.

◆ Pattavaggo tatiyo.

◆ Uddiṭṭhā kho āyasmanto tiṃsa nissaggiyā pācittiyā dhammā. Tatthāyasmante pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evametam dhārayāmīti.

◆ Nissaggiyapācittiyā niṭṭhitā.

Pātimokkha Roman Pāḷi

◆ **Suddhapācittiya**

- ◆ Ime kho paṇāyasmanto dvenavuti pācittiya
- ◆ Dhammā uddesaṃ āgacchanti.
- ◆ Musāvādasikkhāpadaṃ
- ◆ 1. Sampajānamusāvāde pācittiyaṃ.
- ◆ Omasavādasikkhāpadaṃ
- ◆ 2. Omasavāde pācittiyaṃ.
- ◆ Pesuṇṇasikkhāpadaṃ
- ◆ 3. Bhikkhupesuṇṇe pācittiyaṃ.
- ◆ Padasodhammasikkhāpadaṃ
- ◆ 4. Yo pana bhikkhu anupasampannaṃ padaso dhammaṃ vāceyya, pācittiyaṃ.
- ◆ Paṭhamasahaseyyasikkhāpadaṃ
- ◆ 5. Yo pana bhikkhu anupasampanna uttaridirattatirattaṃ sahaseyyaṃ kappeyya, pācittiyaṃ.
- ◆ Dutiyasahaseyyasikkhāpadaṃ
- ◆ 6. Yo pana bhikkhu mātuḡāmena sahaseyyaṃ kappeyya, pācittiyaṃ.
- ◆ Dhammadesanāsikkhāpadaṃ

Pātimokkha Roman Pāḷi

- ◆ 7. Yo pana bhikkhu mātuḡāmassa uttarichappañcavācāhi dhammañ deseyya aññatra viññunā purisaviggahena, pācittiyañ.
- ◆ Bhūtārocanasikkhāpadañ
- ◆ 8. Yo pana bhikkhu anupasampannassa uttarimanussadhammañ āroceyya, bhūtasmiñ pācittiyañ.
- ◆ Duṭṭhullārocanasikkhāpadañ
- ◆ 9. Yo pana bhikkhu bhikkhussa duṭṭhullañ āpattiñ anupasampannassa āroceyya aññatra bhikkhusammutiyā, pācittiyañ.
- ◆ Pathavīkhaṇanasikkhāpadañ
- ◆ 10. Yo pana bhikkhu pathaviñ khaṇeyya vā khaṇāpeyya vā pācittiyañ.
- ◆ Musāvādavaggo paṭhamo.
- ◆ Bhūtagāmasikkhāpadañ
- ◆ 11. Bhūtagāmapātabyatāya pācittiyañ.
- ◆ Aññavādakasikkhāpadañ
- ◆ 12. Aññavādake, vihesake pācittiyañ.
- ◆ Ujjhāpanakasikkhāpadañ
- ◆ 13. Ujjhāpanake, khiyyanake pācittiyañ.

Pātimokkha Roman Pāḷi

◆ Paṭhamasenāsanasikkhāpadam

◆ 14. Yo pana bhikkhu saṅghikaṃ mañcaṃ vā pīṭhaṃ vā bhisim vā kocchaṃ vā ajjhokāse santharivā vā santharāpetvā vā taṃ pakkamanto neva uddhareyya, na uddharāpeyya, anāpuccham vā gaccheyya, pācittiyam.

◆ Dutiyasenāsanasikkhāpadam

◆ 15. Yo pana bhikkhu saṅghike vihāre seyyam santharivā vā santharāpetvā vā taṃ pakkamanto neva uddhareyya, na uddharāpeyya, anāpuccham vā gaccheyya, pācittiyam.

◆ Anupakhajjasikkhāpadam

◆ 16. Yo pana bhikkhu saṅghike vihāre jānam pubbupagataṃ bhikkhum anupakhajja seyyam kappeyya “yassa sambādho bhavissati, so pakkamissati”ti etadeva paccayam karivā anaññam, pācittiyam.

◆ Nikkaḍḍhanasikkhāpadam

◆ 17. Yo pana bhikkhu bhikkhum kupito anattamano saṅghikā vihārā nikkāḍḍheyya vā nikkāḍḍheyya vā, pācittiyam.

◆ Vehāsakuṭisikkhāpadam

◆ 18. Yo pana bhikkhu saṅghike vihāre uparivehāsakuṭiyā āhaccapādakam mañcaṃ vā pīṭhaṃ vā abhinisīdeyya vā abhinipajjeyya vā, pācittiyam.

Pātimokkha Roman Pāḷi

◆ Mahallakavīhārasikkhāpadam

◆ 19. Mahallakam pana bhikkhunā vihāram kārayamānena
yāva dvāraḥkosā aggaḷaṭṭhapanāya
ālokaśandhiparikammāya dvatticchadanassa pariyāyam
appaharite ṭhitena adhiṭṭhātabbam, tato ce uttari
appaharitepi ṭhito adhiṭṭhaheyya, pācittiyam.

◆ Sappāṇakasikkhāpadam

◆ 20. Yo pana bhikkhu jānam sappāṇakam udakam tiṇam
vā mattikam vā siñceyya vā siñcāpeyya vā, pācittiyam.

◆ Bhūtagāmaṅgalo duttiyo.

◆ Ovādasikkhāpadam

◆ 21. Yo pana bhikkhu asammato bhikkhuniyo ovadeyya,
pācittiyam.

◆ Atthaṅgatasikkhāpadam

◆ 22. Sammatopi ce bhikkhu atthaṅgate sūriye
bhikkhuniyo ovadeyya, pācittiyam.

◆ Bhikkhunupassayasikkhāpadam

◆ 23. Yo pana bhikkhu bhikkhunupassayam upasaṅkamitvā
bhikkhuniyo ovadeyya aññatra samayā, pācittiyam.
Tatthāyam samayo, gilānā hoti bhikkhunī, ayam tattha
samayo.

Pātimokkha Roman Pāḷi

◆ Āmisasikkhāpadaṃ

◆ 24. Yo pana bhikkhu evaṃ vadeyya “āmisahetu therā bhikkhū bhikkhuniyo ovaḍantū’ti, pācittiyaṃ.

◆ Cīvaradānasikkhāpadaṃ

◆ 25. Yo pana bhikkhu aññātikāya bhikkhuniyā cīvaraṃ dadeyya aññatra pārivattakā, pācittiyaṃ.

◆ Cīvarasibbanasikkhāpadaṃ

◆ 26. Yo pana bhikkhu aññātikāya bhikkhuniyā cīvaraṃ sibbeyya vā sabbāpeyya vā, pācittiyaṃ.

◆ Saṃvidhānasikkhāpadaṃ

◆ 27. Yo pana bhikkhu bhikkhuniyā saddhiṃ saṃvidhāya ekaddhānamaggaṃ paṭipajjeyya antamaso gāmantarampi aññatra samayā, pācittiyaṃ. Tatthāyaṃ samayo, satthagamanīyo hoti maggo, sāsaṅkasammato, sappāṭibhayo, ayaṃ tattha samayo.

◆ Nāvābhiruhanasikkhāpadaṃ

◆ 28. Yo pana bhikkhu bhikkhuniyā saddhiṃ saṃvidhāya ekaṃ nāvaṃ abhiruheyya uddhaṃgāminiṃ vā adhogāminiṃ vā aññatra tiriyaṃ taraṇāya, pācittiyaṃ.

◆ Paripācitasikkhāpadaṃ

Pātimokkha Roman Pāḷi

- ◆ 29. Yo pana bhikkhu jānaṃ bhikkhuniparipācitaṃ piṇḍapātaṃ bhuñjeyya aññatra pubbe gihisamārambhā, pācittiyaṃ.
- ◆ Rahonisajjasikkhāpadaṃ
- ◆ 30. Yo pana bhikkhu bhikkhuniyā saddhiṃ eko ekāya raho nisajjaṃ kappeyya, pācittiyaṃ.
- ◆ Ovādavaggo tatiyo.
- ◆ Āvasathapiṇḍasikkhāpadaṃ
- ◆ 31. Agilānena bhikkhunā eko āvasathapiṇḍo bhuñjitabbo. Tato ce uttari bhuñjeyya, pācittiyaṃ.
- ◆ Gaṇabhojanasikkhāpadaṃ
- ◆ 32. Gaṇabhojane aññatra samayā pācittiyaṃ. Tatthāyaṃ samayo, gilānasamayo, cīvaradānasamayo, cīvarakārasamayo, addhānagamasamayo, nāvābhiruhanasamayo, mahāsamayo, samaṇabhattasamayo, ayaṃ tattha samayo.
- ◆ Paramparabhojanasikkhāpadaṃ
- ◆ 33. Paramparabhojane aññatra samayā pācittiyaṃ. Tatthāyaṃ samayo, gilānasamayo, cīvaradānasamayo, cīvarakārasamayo, ayaṃ tattha samayo.
- ◆ Kāṇamātusikkhāpadaṃ

Pātimokkha Roman Pāḷi

◆ 34. Bhikkhum paneva kulam upagatam pūvehi vā manthehi vā abhihaṭṭhum pavāreyya, ākaṅkhamānena bhikkhunā dvattipattapūrā paṭiggahetabbā. Tato ce uttari paṭiggaṇheyya, pācittiyam. Dvattipattapūre paṭiggahetvā tato nīharitvā bhikkhūhi saddhim saṁvibhajitabbam, ayam tattha sāmīci.

◆ Paṭhamapavāraṇāsikkhāpadam

◆ 35. Yo pana bhikkhu bhuttāvī pavārito anatirittam khādanīyam vā bhojanīyam vā khādeyya vā bhuñjeyya vā, pācittiyam.

◆ Dutiyapavāraṇāsikkhāpadam

◆ 36. Yo pana bhikkhu bhikkhum bhuttāvim pavāritam anatirittena khādanīyena vā bhojanīyena vā abhihaṭṭhum pavāreyya “handa bhikkhu khāda vā bhuñja vā’ti jānam āsādanāpekkho, bhuttasmiṁ pācittiyam.

◆ Vikālabhojanasikkhāpadam

◆ 37. Yo pana bhikkhu vikāle khādanīyam vā bhojanīyam vā khādeyya vā bhuñjeyya vā, pācittiyam.

◆ Sannidhikāraṅkasikkhāpadam

◆ 38. Yo pana bhikkhu sannidhikāraṅkam khādanīyam vā bhojanīyam vā khādeyya vā bhuñjeyya vā, pācittiyam.

◆ Pañītabhojanasikkhāpadam

Pātimokkha Roman Pāḷi

◆ 39. Yāni kho pana tāni paṇītabhojanāni, seyyathidaṃ – sappi, navanītaṃ, telaṃ, madhu, phāṇitaṃ, maccho, maṃsaṃ, khīraṃ, dadhi. Yo pana bhikkhu evarūpāni paṇītabhojanāni agilāno attano atthāya viññāpetvā bhuñjeyya, pācittiyaṃ.

◆ Dantaponasikkhāpadaṃ

◆ 40. Yo pana bhikkhu adinnaṃ mukhadvāraṃ āhāraṃ āhareyya aññatra udakadantaponā, pācittiyaṃ.

◆ Bhojanavaggo catuttho.

◆ Acelakasikkhāpadaṃ

◆ 41. Yo pana bhikkhu acelakassa vā paribbājakassa vā paribbājikāya vā sahatthā khādanīyaṃ vā bhojanīyaṃ vā dadeyya, pācittiyaṃ.

◆ Uyyojanasikkhāpadaṃ

◆ 42. Yo pana bhikkhu bhikkhum “ehāvuso, gāmaṃ vā nigamaṃ vā piṇḍāya pavisissāmā’ti tassa dāpetvā vā adāpetvā vā uyyojeyya “gacchāvuso, na me tayā saddhim kathā vā nisajjā vā phāsu hoti, ekakassa me kathā vā nisajjā vā phāsu hotī’ti etadeva paccayaṃ karitvā anaññaṃ, pācittiyaṃ.

◆ Sabhojanasikkhāpadaṃ

Pātimokkha Roman Pāḷi

- ◆ 43. Yo pana bhikkhu sabhojane kule anupakhajja nisajjam kappeyya, pācittiyam.
- ◆ Rahopaticchannasikkhāpadam
- ◆ 44. Yo pana bhikkhu mātugāmena saddhim raho paṭicchanne āsane nisajjam kappeyya, pācittiyam.
- ◆ Rahonisajjasikkhāpadam
- ◆ 45. Yo pana bhikkhu mātugāmena saddhim eko ekāya raho nisajjam kappeyya, pācittiyam.
- ◆ Cārittasikkhāpadam
- ◆ 46. Yo pana bhikkhu nimantito sabhatto samāno santam bhikkhum anāpucchā purebhattam vā pacchābhattam vā kulesu cārittam āpajjeyya aññatra samayā, pācittiyam. Tatthāyam samayo, cīvaradānasamayo, cīvarakārasamayo, ayam tattha samayo.
- ◆ Mahānāmasikkhāpadam
- ◆ 47. Agilānena bhikkhunā catumāsappaccayapavāraṇā sādītābā aññatra punapavāraṇāya, aññatra nīccapavāraṇāya. Tato ce uttari sādīyeyya, pācittiyam.
- ◆ Uyyuttasenāsikkhāpadam
- ◆ 48. Yo pana bhikkhu uyyuttam senam dassanāya gaccheyya aññatra tathārūpappaccayā, pācittiyam.

Pātimokkha Roman Pāḷi

- ◆ Senāvāsasikkhāpadaṃ
- ◆ 49. Siyā ca tassa bhikkhuno kocideva paccayo senaṃ gamanāya, dirattatirattaṃ tena bhikkhunā senāya vasitabbaṃ. Tato ce uttari vaseyya, pācittiyaṃ.
- ◆ Uyyodhikasikkhāpadaṃ
- ◆ 50. Dirattatirattaṃ ce bhikkhu senāya vasamāno uyyodhikaṃ vā balaggaṃ vā senābyūhaṃ vā anīkadassanaṃ vā gaccheyya, pācittiyaṃ.
- ◆ Acelakavaggo pañcama.
- ◆ Surāpānasikkhāpadaṃ
- ◆ 51. Surāmerayapāne pācittiyaṃ.
- ◆ Aṅgulipatodakasikkhāpadaṃ
- ◆ 52. Aṅgulipatodake pācittiyaṃ.
- ◆ Hasadhammasikkhāpadaṃ
- ◆ 53. Uduke hasadhamme pācittiyaṃ.
- ◆ Anādariyasikkhāpadaṃ
- ◆ 54. Anādariye pācittiyaṃ.
- ◆ Bhiṃsāpanasikkhāpadaṃ

Pātimokkha Roman Pāḷi

- ◆ 55. Yo pana bhikkhu bhikkhum bhimsāpeyya, pācittiyam.
- ◆ Jotisikkhāpadam
- ◆ 56. Yo pana bhikkhu agilāno visibbanāpekkho jotim samādaheyya vā samādahāpeyya vā aññatra tathārūpappaccayā, pācittiyam.
- ◆ Nahānasikkhāpadam
- ◆ 57. Yo pana bhikkhu orenaddhamāsam nahāyeyya aññatra samayā, pācittiyam. Tattāyam samayo “diyaḍḍho māso seso gimhānan’ti “vassānassa paṭhamo māso” iccete aḍḍhateyyamāsā uṇhasamayo, pariḷāhasamayo, gilānasamayo, kammamayo, addhānagamanasamayo, vātavuṭṭhisamayo, ayam tattha samayo.
- ◆ Dubbaṇṇakaraṇasikkhāpadam
- ◆ 58. Navam pana bhikkhunā cīvaralābhena tiṇṇam dubbaṇṇakaraṇam aññataram dubbaṇṇakaraṇam ādāttabbam nīlam vā kaddamam vā kāḷasāmam vā. Anādā ce bhikkhu tiṇṇam dubbaṇṇakaraṇam aññataram dubbaṇṇakaraṇam navam cīvaram paribhuñjeyya, pācittiyam.
- ◆ Vikappanasikkhāpadam

Pātimokkha Roman Pāḷi

◆ 59. Yo pana bhikkhu bhikkhussa vā bhikkhuniyā vā sikkhamānāya vā sāmaṇerassa vā sāmaṇeriyā vā sāmānī cīvaram vīkappetvā appaccuddhāraṇam paribhuñjeyya, pācittiyam.

◆ Apanidhānasikkhāpadam

◆ 60. Yo pana bhikkhu bhikkhussa pattam vā cīvaram vā nisīdanam vā sūciḡharam vā kāyabandhanam vā apanidheyya vā apanidhāpeyya vā antamaso hasāpekkhopi, pācittiyam.

◆ Surāpānavaggo chaṭṭho.

◆ Sañcicca-sikkhāpadam

◆ 61. Yo pana bhikkhu sañcicca pāṇam jīvitā voropeyya, pācittiyam.

◆ Sappāṇakasikkhāpadam

◆ 62. Yo pana bhikkhu jānam sappāṇakam udakam paribhuñjeyya, pācittiyam.

◆ Ukkoṭanasikkhāpadam

◆ 63. Yo pana bhikkhu jānam yathādhammam nihatādhikaraṇam punakammāya ukkoṭeyya, pācittiyam.

◆ Duṭṭhulasikkhāpadam

Pātimokkha Roman Pāḷi

- ◆ 64. Yo pana bhikkhu bhikkhussa jānaṃ duṭṭhullaṃ āpattiṃ paṭicchādeyya, pācittiyaṃ.
- ◆ Ūnavāsativassasikkhāpadaṃ
- ◆ 65. Yo pana bhikkhu jānaṃ ūnavāsativassaṃ puggalaṃ upasampādeyya, so ca puggalo anupasampanno, te ca bhikkhū gārayhā, idaṃ tasmaṃ pācittiyaṃ.
- ◆ Theyyasatthasikkhāpadaṃ
- ◆ 66. Yo pana bhikkhu jānaṃ theyyasatthena saddhiṃ saṃvidhāya ekaddhānamaggaṃ paṭipajjeyya antamaso gāmantarampi, pācittiyaṃ.
- ◆ Saṃvidhānasikkhāpadaṃ
- ◆ 67. Yo pana bhikkhu mātugāmena saddhiṃ saṃvidhāya ekaddhānamaggaṃ paṭipajjeyya antamaso gāmantarampi, pācittiyaṃ.
- ◆ Ariṭṭhasikkhāpadaṃ
- ◆ 68. Yo pana bhikkhu evaṃ vadeyya “tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā’ti, so bhikkhu bhikkhūhi evamassa vacanīyo “māyasmā evaṃ avaca, mā bhagavantaṃ abbhācikkhi, na hi sādhu bhagavato abbhakkhānaṃ, na hi bhagavā evaṃ vadeyya, anekapariyāyenāvuso antarāyikā dhammā

Pātimokkha Roman Pāḷi

antarāyikā vuttā bhagavatā, alañca pana te paṭisevato antarāyāyā'ti. Evañca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatiyaṃ samanubhāsitaḥ tassa paṭinissaggāya. Yāvatiyañce samanubhāsiyamāno taṃ paṭinissajjeyya, iccetaṃ kusalam. No ce paṭinissajjeyya, pācittiyaṃ.

◆ Ukkhittasambhogasikkhāpadam

◆ 69. Yo pana bhikkhu jānaṃ tathāvādinā bhikkhunā akaṭānudhammena taṃ diṭṭhiṃ appaṭinissaṭṭhena saddhiṃ sambhuñjeyya vā, saṃvaseyya vā, saha vā seyyaṃ kappeyya, pācittiyaṃ.

◆ Kaṇṭakasikkhāpadam

◆ 70. Samaṇuddesopi ce evaṃ vadeyya “tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā'ti, so samaṇuddeso bhikkhūhi evamassa vacanīyo “māvuso, samaṇuddesa evaṃ avaca, mā bhagavantam abbhācikkhi, na hi sādhu bhagavato abbhakkhānaṃ, na hi bhagavā evaṃ vadeyya, anekapariyāyenāvuso, samaṇuddesa antarāyikā dhammā antarāyikā vuttā bhagavatā, alañca pana te paṭisevato antarāyāyā'ti, evañca so samaṇuddeso bhikkhūhi vuccamāno tatheva paggaṇheyya, so samaṇuddeso bhikkhūhi evamassa vacanīyo “ajjatagge te, āvuso,

Pātimokkha Roman Pāḷi

samaṇuddesa na ceva so bhagavā satthā apadisitabbo,
yampi caññe samaṇuddesā labhanti bhikkhūhi saddhim
dirattatirattaṃ sahasseyyaṃ, sāpi te natthi, cara pire,
vinassā'ti. Yo pana bhikkhu jānaṃ tathānāsitaṃ
samaṇuddesaṃ upalāpeyya vā, upaṭṭhāpeyya vā,
sambhuñjeyya vā, saha vā seyyaṃ kappeyya, pācittiyaṃ.

◆ Sappāṇakavaggo sattamo.

◆ Sahadhammikasikkhāpadaṃ

◆ 71. Yo pana bhikkhu bhikkhūhi sahadhammikaṃ
vuccamāno evaṃ vadeyya “na tāvāhaṃ, āvuso, etasmiṃ
sikkhāpade sikkhissāmi, yāva na aññaṃ bhikkhuṃ
byattaṃ vinayadharaṃ paripucchāmi'ti, pācittiyaṃ.
Sikkhamānena, bhikkhave, bhikkhunā aññātabbaṃ
paripucchitabbaṃ paripañhitabbaṃ, ayaṃ tattha sāmīci.

◆ Vilekhanasikkhāpadaṃ

◆ 72. Yo pana bhikkhu pātimokkhe uddissamāne evaṃ
vadeyya “kiṃ panimehi khuddānukhuddakehi
sikkhāpadehi uddiṭṭhehi, yāvadeva kukkuccāya vihesāya
vilekhāya saṃvattanti'ti, sikkhāpadavivaṇṇake pācittiyaṃ.

◆ Mohanasikkhāpadaṃ

◆ 73. Yo pana bhikkhu anvaddhamāsaṃ pātimokkhe
uddissamāne evaṃ vadeyya “idāneva kho ahaṃ jānāmi,

Pātimokkha Roman Pāḷi

ayampi kira dhammo suttāgato suttapariyāpanno
anvaddhamāsaṃ uddesaṃ āgacchatī'ti. Tañce bhikkhuṃ
aññe bhikkhū jāneyyūṃ nisinnapubbaṃ iminā bhikkhunā
dvattikkhattuṃ pātimokkhe uddissamāne, ko pana vādo
bhiyyo, na ca tassa bhikkhuno aññāṇakena mutti atthi,
yañca tattha āpattiṃ āpanno, tañca yathādhammo
kāretabbo, uttari cassa moho āropetabbo “tassa te, āvuso,
alābhā, tassa te dulladdhaṃ, yaṃ tvaṃ pātimokkhe
uddissamānena sādhukaṃ aṭṭhiṃ katvā manasi karosī'ti,
idaṃ tasmīṃ mohanake pācittiyaṃ.

◆ Pahārasikkhāpadaṃ

◆ 74. Yo pana bhikkhu bhikkhussa kupito anattamano
pahāraṃ dadeyya, pācittiyaṃ.

◆ Talasattikasikkhāpadaṃ

◆ 75. Yo pana bhikkhu bhikkhussa kupito anattamano
talasattikaṃ uggireyya, pācittiyaṃ.

◆ Amūlakasikkhāpadaṃ

◆ 76. Yo pana bhikkhu bhikkhuṃ amūlakena
saṅghādisesena anuddhamseyya, pācittiyaṃ.

◆ Sañcicasikkhāpadaṃ

Pātimokkha Roman Pāḷi

- ◆ 77. Yo pana bhikkhu bhikkhussa sañcicca kukkucam upadaheyya “itissa muhuttampi aphāsu bhavissatī”ti etadeva paccayaṃ karitvā anaññaṃ, pācittiyaṃ.
- ◆ Upassutisikkhāpadaṃ
- ◆ 78. Yo pana bhikkhu bhikkhūnaṃ bhaṇḍanaajātānaṃ kalahajātānaṃ vivādāpannānaṃ upassutiṃ tiṭṭheyya “yaṃ ime bhaṇissanti, taṃ sossāmī”ti etadeva paccayaṃ karitvā anaññaṃ, pācittiyaṃ.
- ◆ Kammappaṭibāhanasikkhāpadaṃ
- ◆ 79. Yo pana bhikkhu dhammikānaṃ kammānaṃ chandaṃ datvā pacchā khīyanadhammaṃ āpajjeyya, pācittiyaṃ.
- ◆ Chandaṃdatvāgamanasikkhāpadaṃ
- ◆ 80. Yo pana bhikkhu saṅghe vinicchayakathāya vattamānāya chandaṃ datvā uṭṭhāyāsanaṃ pakkameyya, pācittiyaṃ.
- ◆ Dubbalasikkhāpadaṃ
- ◆ 81. Yo pana bhikkhu samaggena saṅghena cīvaraṃ datvā pacchā khīyanadhammaṃ āpajjeyya “yathāsanthutaṃ bhikkhū saṅghikaṃ lābhaṃ pariṇāmenti”ti, pācittiyaṃ.
- ◆ Pariṇāmanasikkhāpadaṃ

Pātimokkha Roman Pāḷi

- ◆ 82. Yo pana bhikkhu jānaṃ saṅghikaṃ lābhaṃ pariṇataṃ puggalassa pariṇāmeyya, pācittiyaṃ.
- ◆ Sahadhammikavaggo aṭṭhamo.
- ◆ Antepurasikkhāpadaṃ
- ◆ 83. Yo pana bhikkhu rañño khattiyassa muddhābhisittassa anikkhantarājake aniggataratanake pubbe appaṭisaṃvidito indakhīlaṃ atikkāmeyya, pācittiyaṃ.
- ◆ Ratanasikkhāpadaṃ
- ◆ 84. Yo pana bhikkhu ratanaṃ vā ratanasammataṃ vā aññatra ajjhārāmā vā ajjhāvasathā vā uggaṇheyya vā uggaṇhāpeyya vā, pācittiyaṃ. Ratanāṃ vā pana bhikkhunā ratanasammataṃ vā ajjhārāme vā ajjhāvasathe vā uggahetvā vā uggahāpetvā vā nikkhipitabbaṃ “yassa bhavissati, so harissati”ti, ayaṃ tattha sāmīci.
- ◆ Vikālagāmapavesanasikkhāpadaṃ
- ◆ 85. Yo pana bhikkhu santaṃ bhikkhuṃ anāpucchāvīkāle gāmaṃ paviseyya aññatra tathārūpā accāyikā karaṇīyā, pācittiyaṃ.
- ◆ Sūciḡharasikkhāpadaṃ

Pātimokkha Roman Pāḷi

- ◆ 86. Yo pana bhikkhu aṭṭhimayaṃ vā dantamayaṃ vā visāṇamayaṃ vā sūciḡharaṃ kārāpeyya, bhedanakaṃ pācittiyaṃ.
- ◆ Mañcapīṭhasikkhāpadaṃ
- ◆ 87. Navam̐ pana bhikkhunā mañcam̐ vā pīṭham̐ vā kārayamānena aṭṭhaṅgulapādakaṃ kāretabbam̐ sugataṅguleṇa aññatra heṭṭhimāya aṇaniyā. Tam̐ atikkāmayato chedanakaṃ pācittiyaṃ.
- ◆ Tūlonaddhasikkhāpadaṃ
- ◆ 88. Yo pana bhikkhu mañcam̐ vā pīṭham̐ vā tūlonaddham̐ kārāpeyya, uddālanakaṃ pācittiyaṃ.
- ◆ Nisīdanasikkhāpadaṃ
- ◆ 89. Nisīdanam̐ pana bhikkhunā kārayamānena pamāṇikaṃ kāretabbam̐, tatrīdam̐ pamāṇam̐, dīghaso dve vidatthiyo sugatavidatthiyā, tiriyaṃ diyaḍḍham̐, dasā vidatthi. Tam̐ atikkāmayato chedanakaṃ pācittiyaṃ.
- ◆ Kaṇḍuppaṭicchādisikkhāpadaṃ
- ◆ 90. Kaṇḍuppaṭicchādiṃ pana bhikkhunā kārayamānena pamāṇikā kāretabbā, tatrīdam̐ pamāṇam̐, dīghaso catasso vidatthiyo sugatavidatthiyā, tiriyaṃ dve vidatthiyo. Tam̐ atikkāmayato chedanakaṃ pācittiyaṃ.
- ◆ Vassikasāṭikasikkhāpadaṃ

Pātimokkha Roman Pāḷi

◆ 91. Vassikasāṭṭhikāṃ pana bhikkhunā kārayamānena pamāṇikā kāretabbā, tatridaṃ pamāṇaṃ, dīghaso cha vidatthiyo sugatavidatthiyā, tiriyaṃ aḍḍhateyyā. Taṃ atikkāmayato chedanakaṃ pācittiyaṃ.

◆ Nandasikkhāpadaṃ

◆ 92. Yo pana bhikkhu sugatacīvarappamāṇaṃ cīvaraṃ kārāpeyya, atirekaṃ vā, chedanakaṃ pācittiyaṃ . Tatridaṃ sugatassa sugatacīvarappamāṇaṃ, dīghaso nava vidatthiyo sugatavidatthiyā, tiriyaṃ cha vidatthiyo, idaṃ sugatassa sugatacīvarappamāṇanti.

◆ Ratanavaggo navamo.

◆ Uddiṭṭhā kho āyasmanto dvenavuti pācittiyā dhammā. Tatthāyasmante pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evamevaṃ dhārayāmi.

◆ Pācittiyā niṭṭhitā.

◆ Pāṭidesanīyā

◆ Ime kho panāyasmanto cattāro pāṭidesanīyā

◆ Dhammā uddesaṃ āgacchanti.

◆ Paṭhamapāṭidesanīyasikkhāpadaṃ

Pātimokkha Roman Pāḷi

◆ 1. Yo pana bhikkhu aññātikāya bhikkhuniyā antaragharaṃ pavitṭhāya hatthato khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, paṭidesetabbaṃ tena bhikkhunā “gārayhaṃ, āvuso, dhammaṃ āpajjīṃ asappāyaṃ pāṭidesanīyaṃ, taṃ paṭidesemī’ti.

◆ Dutiyapāṭidesanīyasikkhāpadaṃ

◆ 2. Bhikkhū paneva kulesu nimantitā bhuñjanti, tatra ce sā bhikkhunī vosāsamānarūpā ṭhitā hoti “idha sūpaṃ detha, idha odanaṃ dethā’ti. Tehi bhikkhūhi sā bhikkhunī apasādetabbā “apasakka tāva bhagini, yāva bhikkhū bhuñjantī’ti. Ekassapi ce bhikkhuno na paṭibhāseyya taṃ bhikkhuniṃ apasādetuṃ “apasakka tāva bhagini, yāva bhikkhū bhuñjantī’ti, paṭidesetabbaṃ tehi bhikkhūhi “gārayhaṃ, āvuso, dhammaṃ āpajjīmā asappāyaṃ pāṭidesanīyaṃ, taṃ paṭidesemā’ti.

◆ Tatiyapāṭidesanīyasikkhāpadaṃ

◆ 3. Yāni kho pana tāni sekkhasammatāni kulāni, yo pana bhikkhu tathārūpesu sekkhasammatesu kulesu pubbe animantito agilāno khādanīyaṃ vā, bhojanīyaṃ vā sahatthā paṭiggahetvā khādeyya vā, bhuñjeyya vā, paṭidesetabbaṃ tena bhikkhunā “gārayhaṃ, āvuso, dhammaṃ āpajjīṃ asappāyaṃ pāṭidesanīyaṃ, taṃ paṭidesemī’ti.

Pātimokkha Roman Pāḷi

- ◆ Catutthapāṭidesanīyasikkhāpadam
- ◆ 4. Yāni kho pana tāni āraññakāni senāsanāni sāsāṅkasammatāni sappatibhayāni, yo pana bhikkhu tathārūpesu senāsanesu pubbe appaṭisaṃviditaṃ khādanīyaṃ vā, bhojanīyaṃ vā ajjhārāme sahatthā paṭiggahetvā agilāno khādeyya vā, bhuñjeyya vā, paṭidesetabbaṃ tena bhikkhunā “gārayhaṃ, āvuso, dhammaṃ āpajjīm asappāyaṃ pāṭidesanīyaṃ, taṃ paṭidesemī’ti.
- ◆ Uddiṭṭhā kho āyasmanto cattāro pāṭidesanīyā dhammā. Tatthāyasmante pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evametaṃ dhārayāmīti.
- ◆ Pāṭidesanīyā niṭṭhitā.
 - ◆ **Sekhiyā**
- ◆ Ime kho panāyasmanto sekhiyā dhammā uddesaṃ āgacchanti.
- ◆ Parimaṇḍalasikkhāpadam
- ◆ 1. Parimaṇḍalaṃ nivāsessāmīti sikkhā karaṇīyā.
- ◆ 2. Parimaṇḍalaṃ pārūpissāmīti sikkhā karaṇīyā.
- ◆ Suppaṭicchannasikkhāpadam

Pātimokkha Roman Pāḷi

- ◆ 3. Suppaṭicchanno antaraghare gamissāmīti sikkhā karaṇīyā.
- ◆ 4. Suppaṭicchanno antaraghare nisīdissāmīti sikkhā karaṇīyā.
- ◆ Susaṁvutasikkhāpadam
- ◆ 5. Susaṁvuto antaraghare gamissāmīti sikkhā karaṇīyā.
- ◆ 6. Susaṁvuto antaraghare nisīdissāmīti sikkhā karaṇīyā.
- ◆ Okkhittacakkhusikkhāpadam
- ◆ 7. Okkhittacakkhu antaraghare gamissāmīti sikkhā karaṇīyā.
- ◆ 8. Okkhittacakkhu antaraghare nisīdissāmīti sikkhā karaṇīyā.
- ◆ Ukkhittakasikkhāpadam
- ◆ 9. Na ukkhittakāya antaraghare gamissāmīti sikkhā karaṇīyā.
- ◆ 10. Na ukkhittakāya antaraghare nisīdissāmīti sikkhā karaṇīyā.
- ◆ Parimaṇḍalavaggo paṭhamo.
- ◆ Ujjagghikasikkhāpadam

Pātimokkha Roman Pāḷi

- ◆ 11. Na ujjagghikāya antaraghare gamissāmīti sikkhā karaṇīyā.
- ◆ 12. Na ujjagghikāya antaraghare nisīdissāmīti sikkhā karaṇīyā.
- ◆ Uccasaddasikkhāpadam
- ◆ 13. Appasaddo antaraghare gamissāmīti sikkhā karaṇīyā.
- ◆ 14. Appasaddo antaraghare nisīdissāmīti sikkhā karaṇīyā.
- ◆ Kāyappacālakasikkhāpadam
- ◆ 15. Na kāyappacālakam antaraghare gamissāmīti sikkhā karaṇīyā.
- ◆ 16. Na kāyappacālakam antaraghare nisīdissāmīti sikkhā karaṇīyā.
- ◆ Bāhuppacālakasikkhāpadam
- ◆ 17. Na bāhuppacālakam antaraghare gamissāmīti sikkhā karaṇīyā.
- ◆ 18. Na bāhuppacālakam antaragharenisīdissāmīti sikkhā karaṇīyā.
- ◆ Sīsappacālakasikkhāpadam

Pātimokkha Roman Pāḷi

- ◆ 19. Na sīsappacālakaṃ antaraghare gamissāmīti sikkhā karaṇīyā.
- ◆ 20. Na sīsappacālakaṃ antaraghare nisīdissāmīti sikkhā karaṇīyā.
- ◆ Ujjagghikavaggo dutiyo.
- ◆ Khambhakatasikkhāpadaṃ
- ◆ 21. Na khambhakato antaraghare gamissāmīti sikkhā karaṇīyā.
- ◆ 22. Na khambhakato antaraghare nisīdissāmīti sikkhā karaṇīyā.
- ◆ Oguṇṭhitasikkhāpadaṃ
- ◆ 23. Na uguṇṭhito antaraghare gamissāmīti sikkhā karaṇīyā.
- ◆ 24. Na uguṇṭhito antaraghare nisīdissāmīti sikkhā karaṇīyā.
- ◆ Ukkuṭṭikasikkhāpadaṃ
- ◆ 25. Na ukkuṭṭikāya antaraghare gamissāmīti sikkhā karaṇīyā.
- ◆ Pallatthikasikkhāpadaṃ

Pātimokkha Roman Pāḷi

- ◆ 26. Na pallatthikāya antaraghare nisīdissāmīti sikkhā karaṇīyā.
- ◆ Sakkaccapaṭiggahaṇasikkhāpadam
- ◆ 27. Sakkaccaṃ piṇḍapātaṃ paṭiggahessāmīti sikkhā karaṇīyā.
- ◆ Pattasaññīpaṭiggahaṇasikkhāpadam
- ◆ 28. Pattasaññī piṇḍapātaṃ paṭiggahessāmīti sikkhā karaṇīyā.
- ◆ Samasūpakapaṭiggahaṇasikkhāpadam
- ◆ 29. Samasūpakaṃ piṇḍapātaṃ paṭiggahessāmīti sikkhā karaṇīyā.
- ◆ Samatittikasikkhāpadam
- ◆ 30. Samatittikaṃ piṇḍapātaṃ paṭiggahessāmīti sikkhā karaṇīyā.
- ◆ Khambhakatavaggo tatiyo.
- ◆ Sakkaccabhuñjanasikkhāpadam
- ◆ 31. Sakkaccaṃ piṇḍapātaṃ bhuñjissāmīti sikkhā karaṇīyā.
- ◆ Pattasaññībhuñjanasikkhāpadam

Pātimokkha Roman Pāḷi

- ◆ 32. Pattasaññī piṇḍapātaṃ bhuñjissāmīti sikkhā karaṇīyā.
- ◆ Sapadānasikkhāpadaṃ
- ◆ 33. Sapadānaṃ piṇḍapātaṃ bhuñjissāmīti sikkhā karaṇīyā.
- ◆ Samasūpakasikkhāpadaṃ
- ◆ 34. Samasūpakaṃ piṇḍapātaṃ bhuñjissāmīti sikkhā karaṇīyā.
- ◆ Nathūpakatasikkhāpadaṃ
- ◆ 35. Na thūpakato omadditvā piṇḍapātaṃ bhuñjissāmīti sikkhā karaṇīyā.
- ◆ Odanappaṭicchādanasikkhāpadaṃ
- ◆ 36. Na sūpaṃ vā byañjanaṃ vā odanena paṭicchādessāmi bhīyyokamyataṃ upādāyāti sikkhā karaṇīyā.
- ◆ Sūpodanaviññattisikkhāpadaṃ
- ◆ 37. Na sūpaṃ vā odanaṃ vā agilāno attano atthāya viññāpetvā bhuñjissāmīti sikkhā karaṇīyā.
- ◆ Ujjhānasaññīsikkhāpadaṃ
- ◆ 38. Na ujjhānasaññī paresaṃ pattamaṃ olokessāmīti sikkhā karaṇīyā.

Pātimokkha Roman Pāḷi

- ◆ Kabaḷasikkhāpadaṃ
- ◆ 39. Nātimahantaṃ kabaḷaṃ karissāmīti sikkhā karaṇīyā.
- ◆ Ālopasikkhāpadaṃ
- ◆ 40. Parimaṇḍalaṃ ālopaṃ karissāmīti sikkhā karaṇīyā.
- ◆ Sakkaccavaggo catuttho.
- ◆ Anāhaṭasikkhāpadaṃ
- ◆ 41. Na anāhaṭe kabaḷe mukhadvāraṃ vivarissāmīti sikkhā karaṇīyā.
- ◆ Bhuñjamānasikkhāpadaṃ
- ◆ 42. Na bhuñjamāno sabbhatthaṃ mukhe pakkhipissāmīti sikkhā karaṇīyā.
- ◆ Sakabaḷasikkhāpadaṃ
- ◆ 43. Na sakabaḷena mukhena byāharissāmīti sikkhā karaṇīyā.
- ◆ Piṇḍukkhepakasikkhāpadaṃ
- ◆ 44. Na piṇḍukkhepakaṃ bhuñjissāmīti sikkhā karaṇīyā.
- ◆ Kabaḷāvacchedakasikkhāpadaṃ
- ◆ 45. Na kabaḷāvacchedakaṃ bhuñjissāmīti sikkhā karaṇīyā.

Pātimokkha Roman Pāḷi

- ◆ Avagaṇḍakāraḱasikkhāpaḁam
- ◆ 46. Na avagaṇḍakāraḱam bhuṅḱissāmīti sikkhā karaṇīyā.
- ◆ Hatthaniddhunakasikkhāpaḁam
- ◆ 47. Na hatthaniddhunakam bhuṅḱissāmīti sikkhā karaṇīyā.
- ◆ Sitthāvakāraḱasikkhāpaḁam
- ◆ 48. Na sitthāvakāraḱam bhuṅḱissāmīti sikkhā karaṇīyā.
- ◆ Jivhānicchāraḱasikkhāpaḁam
- ◆ 49. Na jivhānicchāraḱam bhuṅḱissāmīti sikkhā karaṇīyā.
- ◆ Capucapukāraḱasikkhāpaḁam
- ◆ 50. Na capucapukāraḱam bhuṅḱissāmīti sikkhā karaṇīyā.
- ◆ Kabaḷavaggo pañcamo.
- ◆ Surusurukāraḱasikkhāpaḁam
- ◆ 51. Na surusurukāraḱam bhuṅḱissāmīti sikkhā karaṇīyā.
- ◆ Hatthanillehakasikkhāpaḁam
- ◆ 52. Na hatthanillehakam bhuṅḱissāmīti sikkhā karaṇīyā.
- ◆ Pattanillehakasikkhāpaḁam
- ◆ 53. Na pattanillehakam bhuṅḱissāmīti sikkhā karaṇīyā.

Pātimokkha Roman Pāḷi

◆ Oṭṭhanillehakasikkhāpadam

◆ 54. Na oṭṭhanillehakaṃ bhuñjissāmīti sikkhā karaṇīyā.

◆ Sāmisasikkhāpadam

◆ 55. Na sāmisenā hatthena pānīyathālakam
paṭiggahessāmīti sikkhā karaṇīyā.

◆ Sasitthakasikkhāpadam

◆ 56. Na sasitthakaṃ pattadhovanaṃ antaraghare
chaḍḍessāmīti sikkhā karaṇīyā.

◆ Chattapāṇisikkhāpadam

◆ 57. Na chattapāṇissa agilānassa dhammaṃ desessāmīti
sikkhā karaṇīyā.

◆ Daṇḍapāṇisikkhāpadam

◆ 58. Na daṇḍapāṇissa agilānassa dhammaṃ desessāmīti
sikkhā karaṇīyā.

◆ Satthapāṇisikkhāpadam

◆ 59. Na satthapāṇissa agilānassa dhammaṃ desessāmīti
sikkhā karaṇīyā.

◆ Āvudhapāṇisikkhāpadam

◆ 60. Na āvudhapāṇissa agilānassa dhammaṃ desessāmīti
sikkhā karaṇīyā.

Pātimokkha Roman Pāḷi

- ◆ Surusuruvaggo chaṭṭho.
- ◆ Pāḍukasikkhāpadaṃ
- ◆ 61. Na pāḍukāruḷhassa agilānassa dhammaṃ desessāmīti sikkhā karaṇīyā.
- ◆ Upāhanasikkhāpadaṃ
- ◆ 62. Na upāhanāruḷhassa agilānassa dhammaṃ desessāmīti sikkhā karaṇīyā.
- ◆ Yānasikkhāpadaṃ
- ◆ 63. Na yānagatassa agilānassa dhammaṃ desessāmīti sikkhā karaṇīyā.
- ◆ Sayanasikkhāpadaṃ
- ◆ 64. Na sayanagatassa agilānassa dhammaṃ desessāmīti sikkhā karaṇīyā.
- ◆ Pallatthikasikkhāpadaṃ
- ◆ 65. Na pallatthikāya nisinnassa agilānassa dhammaṃ desessāmīti sikkhā karaṇīyā.
- ◆ Veṭṭhisikkhāpadaṃ
- ◆ 66. Na veṭṭhisāsissa agilānassa dhammaṃ desessāmīti sikkhā karaṇīyā.
- ◆ Oguṇṭhisikkhāpadaṃ

Pātimokkha Roman Pāḷi

- ◆ 67. Na oḡuṇṭhitasīsassa agilānassa dhammaṃ desessāmīti sikkhā karaṇīyā.
- ◆ Chamāsikkhāpadaṃ
- ◆ 68. Na chamāyaṃ nisīditvā āsane nisinnassa agilānassa dhammaṃ desessāmīti sikkhā karaṇīyā.
- ◆ Nīcāsanasikkhāpadaṃ
- ◆ 69. Na nīce āsane nisīditvā ucce āsane nisinnassa agilānassa dhammaṃ desessāmīti sikkhā karaṇīyā.
- ◆ Ṭhitasikkhāpadaṃ
- ◆ 70. Na ṭhito nisinnassa agilānassa dhammaṃ desessāmīti sikkhā karaṇīyā.
- ◆ Pacchatogamanasikkhāpadaṃ
- ◆ 71. Na pacchato gacchanto purato gacchantassa agilānassa dhammaṃ desessāmīti sikkhā karaṇīyā.
- ◆ Uppathenagamanasikkhāpadaṃ
- ◆ 72. Na uppathena gacchanto pathena gacchantassa agilānassa dhammaṃ desessāmīti sikkhā karaṇīyā.
- ◆ Ṭhitouccārasikkhāpadaṃ
- ◆ 73. Na ṭhito agilāno uccāraṃ vā passāvaṃ vā karissāmīti sikkhā karaṇīyā.

Pātimokkha Roman Pāḷi

- ◆ Hariteuccārasikkhāpadaṃ
- ◆ 74. Na harite agilāno uccāraṃ vā passāvaṃ vā kheḷaṃ vā karissāmīti sikkhā karaṇīyā.
- ◆ Udukeuccārasikkhāpadaṃ
- ◆ 75. Na uduke agilāno uccāraṃ vā passāvaṃ vā kheḷaṃ vā karissāmīti sikkhā karaṇīyā.
- ◆ Pādukavaggo sattamo.
- ◆ Uddiṭṭhā kho āyasmanto sekhiyā dhammā.
Tatthāyasmante pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evametaṃ dhārayāmīti.
- ◆ Sekhiyā niṭṭhitā.
 - ◆ **Adhikaraṇasamathā**
- ◆ Ime kho panāyasmanto satta adhikaraṇasamathā
- ◆ Dhammā uddesaṃ āgacchanti.
- ◆ Uppannuppanānaṃ adhikaraṇānaṃ samathāya vūpasamāya sammukhāvinayo dātabbo.
- ◆ Sativinayo dātabbo.
- ◆ Amūḷhavinayo dātabbo.

Pātimokkha Roman Pāḷi

- ◆ Paṭiññāya kāretabbaṃ.
- ◆ Yebhuyyasikā.
- ◆ Tassapāpiyasikā.
- ◆ Tiṇavatthārakoti.
- ◆ Uddiṭṭhā kho āyasmanto satta adhikaraṇasamathā dhammā. Tatthāyasmante, pucchāmi kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyasmanto, tasmā tuṅhī, evametaṃ dhārayāmīti.
- ◆ Adhikaraṇasamathā niṭṭhitā.
- ◆ Uddiṭṭhaṃ kho āyasmanto nidānaṃ,
- ◆ Uddiṭṭhā cattāro pārājikā dhammā,
- ◆ Uddiṭṭhā terasa saṅghādisesā dhammā,
- ◆ Uddiṭṭhā dve aniyatā dhammā,
- ◆ Uddiṭṭhā tiṃsa nissaggiyā pācittiyā dhammā,
- ◆ Uddiṭṭhā dvenavuti pācittiyā dhammā,
- ◆ Uddiṭṭhā cattāro pāṭidesanīyā dhammā,
- ◆ Uddiṭṭhā sekhiyā dhammā,

Pātimokkha Roman Pāḷi

- ◆ Uddiṭṭhā satta adhikaraṇasamathā dhammā, ettakaṃ tassa bhagavato suttāgataṃ suttapariyāpannaṃ anvaddhamāsaṃ uddesaṃ āgacchati, tattha sabbeheva samaggehi sammodamānehi avivadamānehi sikkhitabbanti.
- ◆ Vitthāruddeso pañcama.
- ◆ Bhikkhupātimokkhaṃ niṭṭhitaṃ.